



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Vigiliæ eius inter studendum.

[urn:nbn:de:hbz:466:1-46083](#)

dare , sed de eo quoque ad aliquem applicando agitaret , cui & ipse seruiendo , operam simul locaret , & à quo studendi inuicem acciperet facultatem . Ac post paucos dies quam Decano Diesthemensi Ioannem patet collocasset , Mechliniam eum ablegauit ad D. Ioannem Freimontium , Canonicum templi Cathedralis , qui eum filij instar charuum semper habuit , studendiisque copiam fecit . Mechliniā concessit Ioannes anno 1613 . nondum expletâ aetate annorum quatuordecim , eiusdem iam dicti heri contubernio usus , dum in Societatis tyrocinium adlegetur . Frequentauit tantisper humanitatis scholam vetusti in eâ vrbe Collegij , donec instituto Societatis Gymnasio , ad illud , contra multorum praecipuorum voluntatem , non sine Dei (vt ipse aiebat) singulari prouisione , se transferret , fuitque , examine facto , idoneus audiendæ Rhetoricæ iudicatus , & Rhetorum in classem transcriptus . Hic demum adolescentis indoles elucidere , seseque supra prima virtutis elementa publicare ; & qui nuper paternâ in domo , inter accumbendum , perpetuò librum habuerat ad manus , hic noctes totas sine somno in studijs Vigilia in ter studen traducere , sciendi cupiditate ; ac si qua per diem cum hero prodeundi necessitas coegeret , libellum vna secum conferre , temporis

*Canonico
ministrat
ad studio-
rum sum-
ptus suble-
uandos.*

*Rhetoricā
audit in
Collegio
Mechliniē-
si Societa-
tis Iesu.*

*vigilias in-
ter studen-
dum.*

vin-

vindicandi causa. Admirabantur in eo omnes incredibilem morum cum insigni specie coniunctam suavitatem, modestiamq; tantâ bonitate mixtam. Non deditabuntur iuuenes etiam nobilissimi cum eo consuetudinem contrahere: quinimò & honorabant, quantum natalium fortunarumque obscuritate inaequalem. Si forte solutior sermo aliquis inter commilitones incidisset, atque ipse forte interuenisset, statim aut filebatur, aut ipse pudore suffusus discedebat, perinde ut de Sennensi Bernardino narratur. Puer quidam existit preter ceteros ad petulantiam educatus, qui conuitijs eum saepius iniurijsque figebat: sed optimus Iuuenis postquam iniurias omnes summâ cum animi demissione tolerantiaque tulisset, nullâ vnamquam responsione pueri procaciam fregit, nullas vnamquam apud alios querelas deposituit.

Initio sui ad Scholas Societatis accessus, omni statim contentione procurauit in Virginis beatissimæ Sodalitium admitti, in quod summo omnium consensu & approbatione relatus, mox insigni suâ industria, iucundissimâque consuetudine, quam plurimos in eumdem cœtum pellexit, non è suis modò commilitonibus, verùm etiam Seminarij publici alumnis; aiebatque se illis affici præcipuo quodam amore, quos sciret Matri san-

*Morum
suavitas
Nobilium
ei conciliat
amorem.*

*Patienter
fert iniu-
rias.*

*Procurat se
referri in
album So-
dalitij Ma-
riani.*

*Complures
in eumdem
cœtum ad-
ducit.*

ctissi-